



新刻文選正文卷之八

門人 渡邊高貴校

七類

七發八首

枚乘

備音收

音色嘯與歔通

唏許其切

越散濞發廢正也

傾隕也

臙昌西反脛音呈

臙音濃又女龍反

還音水昌曼音萬

似廉切又詳廉切

楚太子有疾而吳客往問之曰伏聞太子玉體不安亦少間乎太子曰備謹謝客客因稱曰今時天下安寧四字和平太子方富於年意者久耽安樂日夜無極邪氣襲逆中若結轆紛屯澹淡嘯唏煩醒惕惕不得瞑虛中重聽惡聞人聲精神越濞百病咸生聰明眩曜悅怒不平久執不廢人命乃傾太子豈有是乎太子曰謹謝客賴君之力時時有之然未至於是也客曰今夫貴人之子必宮居而閨處內有保母外有傅父欲交無所飲食則溫淳甘臙腥醲肥厚衣裳則雜還曼煖燂燥熱暑雖有金石之堅猶將銷鑠而挺解也況其

爍舒灼反

履音厥又渠月切
搔於為切

脆清歲反音輔

曼音萬音度交
餘乳反

間音剛

已助句也又止也

在筋骨之間乎哉故曰縱耳目之欲恣支體之安者傷血脈
之和且夫出輿入輦命曰廢痿之機洞房清宮命曰寒熱之
媒皓齒蛾眉命曰伐性之斧甘脆肥膿命曰腐腸之藥今大
子膚色靡曼四支委隨筋骨挺解血脈淫濯手足惰窳越女
侍前齊姬奉後往來遊讌縱恣乎曲房隱間之中此甘餐毒
藥戲猛獸之爪牙也所從來者至深遠淹滯永久而不廢雖
令扁鵲治內巫咸治外尚何及哉今如太子之病者獨宜世
之君子博見強識承問語事變度易意常無離側以為羽翼
淹沈之樂浩盪之心遁佚之志其奚由至哉太子曰諾病已
請事此言

菌丘貧反

澹徒盪反淡徒敢
切

鷓呂知反

鷓胡葛反又音渴
鷓音日

斫之若反爾古典

珥音約與的同
切

郁狄切又於略反
薊子兼反又慈欵

及稿音考與稟
古字通翕許急

反欵也蛟巨宜反
蟠音矯又居兆反

枉音主支也

搗楚俱反音息尹
反冒覆也又與老

古字通搏徒九反
又徒完反咬常勞

百尺而無枝中鬱結之輪菌根扶疏以分離上有千仞之峯
下臨百丈之谿湍流遡波又澹淡之其根半死半生冬則烈
風漂霰飛雪之所激也夏則雷霆霹靂之所感也朝則鷓黃
鷓鳴焉暮則羈雌迷鳥宿焉獨鷓晨號乎其下鷓鷓哀鳴
翔乎其下於是背秋涉冬使琴擊斫斬以為琴野繭之絲以
為絃孤子之鈞以為隱九寡之珥以為約使師堂操暢伯牙
為之歌歌曰麥秀薶兮雉朝飛向虛壑兮背槁槐依絕區兮
臨迴溪飛鳥聞之翕翼而不能去野獸聞之垂耳而不能行
蚊蟻螻蛄聞之拄喙而不能前此亦天下之至悲也太子能
彊起聽之乎太子曰僕病未能也

客曰物牛之腴菜以筍蒲肥狗之和冒以山膚楚苗之食安
胡之飯搏之不解一啜而散於是使伊尹煎爇易牙調和熊

反又穿劣反(蟠音
煩(蟠音而勺涉略
反(藥音略薄補莫
反(象音患(獸昌悅
反

蟠之膈勺藥之醬薄者之炙鮮鯉之鱠秋黃之蘇白露之茹
蘭英之酒酌以滌口山梁之餐參豹之胎小飯大歡如湯沃
雪此亦天下之至美也太子能彊起嘗之乎太子曰僕病未
能也

杜莫后反(駮音
橋側角反(驪祖到
反

客曰鍾岱之牡齒至之車前似飛鳥後類駮虛櫛麥服處蹊
中煩外羈堅轡附易路於是伯樂相其前王良造父為之御
秦缺樓季為之右此兩人者馬佚能止之車覆能起之於是
使射千鎰之重爭千里之逐此亦天下之至駿也太子能彊
起而乘之乎太子曰僕病未能也

(佚音逸驚也

客曰既登景夷之臺南望荆山北望汝海左江右湖其樂無
有於是使博辯之士原本山川極命草木比物屬事離辭連
類浮游覽觀乃下置酒於虞懷之宮連廊四注臺城層構紛

(國胡困切(鸞音昆
鵠助均反

紘玄綠輦道邪交黃池紆曲溷章白鷺孔雀鴨鵝鸚鵡
翠鬣紫纓螭龍德牧邕邕羣鳥鳴陽魚騰躍奮翼振鱗淑濇壽
蓼蔓草芳苓女桑河柳素葉紫莖苗松豫章條上造天梧桐

(蓼音了又力鳥反
音(壽又丈尤反
音(連古連字

并間極望成林衆芳芬鬱亂於五風從容猗靡消息陽陰列
坐縱酒蕩樂娛心景春佐酒杜連理音滋味雜陳有糝錯該
練色娛目流聲悅耳於是乃發激楚之結風揚鄭衛之皓樂

(桂鳥佳反(瓊足具
反(予音與(龜徒了
切當為挑又美好
也又細也(翰音前
引也(鸞音宴

使先施徵舒陽文段干吳娃閭姬傅予之徒雜裾垂髻目窈
心與掄流波雜杜若蒙清塵被蘭澤嫵服而御此亦天下之
靡麗皓侈廣博之樂也太子能彊起游乎太子曰僕病未能
也

客曰將為太子馴騏驥之馬駕飛軫之輿乘壯駿之乘右夏
服之勁箭左鳥號之雕弓游涉乎雲林周馳乎蘭澤弭節乎

(騏音寒方延切(牡
莫后反

爾之涉及 爾實二
反 爾居筠及爾音
京 爾於哀切爾寄
須切

天宅面也

運 禹溫切轉也又
音旋 爾古堯反

折 魚斤反界也
荀 翠切

榛 化臻反兜徐姊
反 祖音但初先歷
反 礎牛哀反

膾 可外反炙之亦
反

江潯掩青蘋。遊清風。陶陽氣。蕩春心。逐狡獸。集輕禽。於是極
犬馬之才。困野獸之足。窮相御之智。巧恐虎豹。憎鷲鳥。逐馬
鳴鑣。魚跨麋角。履游麕兔。蹈踐麋鹿。汗流沫墜。冤伏陵窘。無
創而死者。固足充後乘矣。此投獵之至壯也。太子能彊起游
乎。太子曰。僕病未能也。然陽氣見於眉宇之間。侵淫而上。炎
滿太宅。客見太子有悅色也。遂推而進之。曰。冥火薄大兵車。
雷運旌旗。偃蹇羽旄。肅紛馳騁。角逐慕味。爭先微墨。廣博觀
望。之有圻。純粹全犧。獻之公門。太子曰。善。願復聞之。客曰。未
既於是。榛林深澤。煙雲闇漠。兕虎竝作。毅武孔猛。祖弼身薄。
白刃磴磴。矛戟交錯。收穫掌功。賞賜金帛。掩蘋肆若。為牧人
席旨。酒嘉肴。羞魚膾炙。以御賓客。涌觸竝起。動心驚耳。誠必
不悔。決絕以諾。貞信之色。形于金石。高歌陳唱。萬歲無斁。此

真太子之所喜也。能彊起而遊乎。太子曰。僕甚願從。直恐為
諸大夫累耳。然而有起色矣。

邛 思律反

軼 音迭。汨。干筆反。
又 古沒反

汨 喜乞切。又許乞
切 縛力紀切

汨 古沒切。爾呼廣
反 廣胡廣反。濬余
兩反。虹胡同反

汨 于筆反。又為筆
反

汨 音似

源 音早。爾。古代反
澹 徒濫反。濬。胡敢
反 爾。音晦。又呼漬
反 泚。聽典反。又劫

客曰。將以八月之望。與諸侯遠方。交遊兄弟。竝往觀濤乎。廣
陵之曲江。至則未見濤之形也。徒觀水力之所到。則邛然足
以駭矣。觀其所駕軼者。所擢拔者。所揚汨者。所溫汾者。所滌
汨者。雖有心略辭給。固未能縷形其所由然也。况兮忽兮。聊
兮慄兮。混汨汨兮。忽兮慌兮。倣兮儻兮。浩瀆濇兮。慌曠曠兮。
秉意乎南山。通望乎東海。虹洞兮蒼天。極慮乎崖涘。流攬
窮歸神日。母汨乘流而下降兮。或不知其所止。或紛紜其流
折兮。忽繆往而不來。臨朱汨而遠逝兮。中虛煩而益怠。莫離
散而發曙兮。內存心而自持。於是澡漑。曾中灑練。五藏澹澈。
手足頽濯。髮齒揄棄。恬怠輪寫。泚濁分決。狐疑發皇。耳目當

顯及(區)委禹反又
郁禹反(變)必亦反
顯莫本反(醜)女龍
反

田尺類切(內)音納

漂匹妙反

澄五哀反

顯愚恭反

印音昂(極)音居反
介於反(區)渠音反
等所中反(行)戶剛
切(佛)韻旬呼宏切
切(佛)音甚反(亂)烏點
切(佛)音甚切(佛)疾
勿反(道)音堆(或)胡
國反(亥)音該(慘)真

是之時。雖有淹病滯疾。猶將伸偃。起發。發發。披輦而觀望之。
也。况直眇小煩。懣醒。醲病。酒之徒哉。故曰發蒙解惑。不足以
言也。太子曰善。然則濤何氣哉。客曰不記也。然聞於師曰似
神而非者。三疾雷聞百里。江水逆流。海水潮。山出內雲。日
夜不止。衍溢漂疾。波涌而濤起。其始起也。淇林淋焉。若白鷺
之下翔。其少進也。浩浩澄澄。如素車白馬。帷蓋之張。其波涌
而雲亂。擾擾焉如三軍之騰裝。其旁作而奔起也。飄飄焉如
輕車之勒兵。六駕蛟龍。附從太白。純馳浩蜺。前後駱驛。頤頤
印印。据据彊彊。莘莘將將。壁壘重堅。杳雜似軍行。旬隱句磕。
軋盤涌裔。原不可當。觀其兩傍。則滂渤怫鬱。閭漠感突。上擊
下律。有似勇壯之卒。突怒而無畏。蹈壁衝津。窮曲隨隈。踰岸
出。追遇者死。當者壞。初發乎或圍之津涯。芟軫谷分。迴翔青

忍及(籠)寔結反(籠)
囚衛切

池徒奔切(運)胡奔
反(胡)本反(混)胡本

反(施)徒本反(陸)音
底又竹栗反(香)徒
答反

背迴也(戲)許宜反

側筆反(汨)于筆
反

沈音尤又(出)牛反
又薄比反(洞)音回

又薄比反(洞)音回

又薄比反(洞)音回

又薄比反(洞)音回

又薄比反(洞)音回

又薄比反(洞)音回

又薄比反(洞)音回

幾銜枚。檀桓弭節。伍子之山。通厲骨母之場。凌赤岸。簞扶桑。
橫奔似雷行。誠奮厥武。如振如怒。池池渾渾。狀如奔馬。混混
施施。聲如雷鼓。發怒崖杳。清升踰躡。侯波奮振。合戰於藉藉
之口。鳥不及飛。魚不及迴。獸不及走。紛紛翼翼。波涌雲亂。蕩
取南山。背擊北岸。覆虧丘陵。平夷西畔。險險戲戲。崩壞陔池。
決勝乃罷。滌汨潺湲。披揚流灑。橫暴之極。魚鼈失勢。顛倒偃
側。沈沈浚浚。蒲伏連延。神物怪疑。不可勝言。直使人踣焉。洄
閻悽愴焉。此天下怪異詭觀也。太子能彊起觀之乎。太子曰
僕病未能也。
客曰將為太子奏方術之士有資略者。若莊周魏牟。楊朱墨
翟。便蜎詹何之倫。使之論天下之精微。理萬物之是非。孔老
覽觀。孟子籌之。萬不失一。此亦天下要言妙道也。太子豈欲

新刊

卷之八

五

忍乃典反又乃變

聞之乎。於是太子據几而起曰。渙乎若一聽聖人辨士之言。恣然汗出。霍然病已。

七啓八首 并序

曹植

駟音因

昔枚乘作七發。傅毅作七激。張衡作七辨。崔駟作七依。辭各美麗。余有慕之焉。遂作七啓。并命王粲作焉。

傲五到反

玄微子隱居大荒之庭。飛遯離俗。澄神定靈。輕祿傲貴。與物無營。耽虛好靜。羨此永生。獨馳思乎天雲之際。無物象而能傾。於是鏡機子聞而將往。說焉。駕超野之駟。乘追風之輿。經

屆至也

迥漠。出幽墟。入乎泱泱之野。遂屆玄微子之所居。其居也。左激水。右高岑。背洞溪。對芳林。冠皮弁。被文表。出山岫之潛穴。倚峻崖而嬉遊。志飄飄焉。嶢嶢焉。似若狹六合而隘九州。若將飛而未逝。若舉翼而中留。於是鏡機子攀葛藟而登距巖。

曉音堯隘鳥賣反

藟音累

耗呼到反

而立。順風而稱曰。予聞君子不遜俗而遺名。智士不背世而滅勳。今吾子棄道藝之華。遺仁義之英。耗精神乎虛廓。廢人事之紀。經營若畫形於無象。造響於無聲。未之思乎。何所規之不通也。玄微子俯而應之曰。嘻。有是言乎。夫太極之初。渾

渾胡本反

沌未分。萬物紛錯。與道俱隆。蓋有形必朽。有跡必窮。昔昔元

掉徒野反

氣誰知其終。名穢我身。位累我身。竊慕古人之所志。仰老莊之遺風。假靈龜以託喻。寧掉尾於塗中。鏡機子曰。夫辯言之豔。能使窮澤生流。枯木發榮。庶感靈而激神。况近在乎人情。僕將爲吾子說遊觀之至。娛演聲色之妖。靡論變化之至妙。敷道德之弘麗。願聞之乎。玄微子曰。吾子整身倦世。探隱極沉。不遠遐路。幸見光臨。將敬絛耳。以聽玉音。

孤音孤禪與禪古字通蒲賣反又蒲

鏡機子曰。芳菰精神。霜蓄露葵。玄熊素膚。肥豢膿肌。蟬翼之

解反蓄與遂同象
音患膿女恭反又
女龍反析先歷反
穀胡木反鷓丁刮
反斤音赤鷓音景
雁雁同呼各反鷓
徒何反鷓于充反
鷓常倫反鷓女又
反鷓音厚鷓匹
反鷓張里切

割割纖析微累如疊穀離若散雪輕隨風飛刃不轉切山鷓
斤鷓珠翠之珍寒芳苓之巢龜膾西海之飛鱗雁江東之潛
鼉鴨漢南之鳴鷓糝以芳酸甘和既醇玄真適鹹蓐收調辛
紫蘭丹椒施和必節滋味既殊遺芳射越乃有春清縹酒康
狄所營應化則變感氣而成彈徵則苦發叩宮則甘生於長
盛以翠樽酌以彫觴浮蟻鼎沸酷烈馨香可以和神可以娛
腸此肴饌之妙也子能從我而食之乎玄微子曰予甘藜藿
未暇此食也

緝音厚
漸子廉反清也濕也

鏡機子曰步光之劍華藻繁縟飾以文犀彫以翠綠綴以驪
龍之珠錯以荆山之玉陸斷犀象未足稱儔隨波截鴻水不
漸刃九旒之冕散耀垂文華組之纓從風紛紜佩則結綠懸
黎寶之妙微符采照爛流景揚輝黼黻之服紗縠之裳金華
之舄動趾遺光繁飾參差微鮮若霜緝珮綢繆或彫或錯薰
以幽若流芳肆布雍容閑步周旋馳耀南威為之解顏西施
為之巧笑此容飾之妙也子能從我而服之乎玄微子曰予
好毛褐未暇此服也

緝胡本反錯十故反

繁音盤宛於元反
綵而惟及捷楚甲反
捺七臻反

鏡機子曰馳騁足用蕩思遊獵可以娛情僕將為吾子駕雲
龍之飛駟飾玉輅之繁纓垂宛虹之長綵抗招搖之華旌捷
忘歸之矢秉繁弱之弓忽躡景而輕驚逸奔驥而起遺風於
是溪填谷塞榛藪平夷緣山置罝彌野張罟下無漏跡上無
逸飛鳥集獸屯然後會圍獠徒雲布武騎霧散丹旗曜野戈
交皓吁曳文狐掩狡兔捐鷓鷯拂振鷺當軌見藉值足遇踐
飛軒電逝獸隨輪轉翼不暇張足不及騰動觸飛鋒舉挂輕
罾搜林索險探薄窮阻騰山赴壑風厲焮舉機不虛發中心

受音殊肝音汗捐
所交反鷓音肅
音霜挂音卦
搜所求反索所草
及殺以冉切

嗥呼交及鬪呼檻
反鬪音獵
懼之涉反

隱於瑾及批匹迷
反又音弭切賦同

駭
駭音矢

駭音漆較音角

飲羽於是人稠網密地逼勢脅哮闕之獸張牙奮鬣志在觸
突猛氣不懼乃使北宮東郭之疇生抽豹尾分裂羆肩形不
抗手骨不隱拳批熊碎掌拉虎摧斑野無毛類林無羽羣積
獸如陵飛翮成雲於是駮鐘鳴鼓收旌弛飾頓網縱綱罷獠
廻邁駿駮齊驤揚鬣飛沫俯倚金較仰撫翠蓋雍容暇豫娛
志方外此羽獵之妙也子能從我而觀之乎玄微子曰余樂
恬靜未暇此觀也

皓音浩吁音汗
立也重也

撥音發縮起進反

紘音隙與給同

鏡機子曰開宮顯敞雲屋皓吁崇景山之高基迎清風而立
觀彤軒紫柱文懷華梁綺井含葩金墀玉箱溫房則冬服絺
紘清室則中夏含霜華閣緣雲飛陛凌虛頰眺流星仰觀八
隅升龍攀而不逮眇天際而高居繁巧神怪變名異形班輪
無所指其斧斤離婁爲之失睛麗草交植殊品詭類綠葉朱

繳音酌代音翼

榮熙天曜日素水盈沼叢木成林飛翮陵高鱗甲隱深於是
逍遙暇豫忽若忘歸乃使任子垂釣魏氏發機芳餌沈水輕
繳弋飛落翳雲之翔鳥援九淵之靈龜然後采菱華擢水蘋
弄珠蚌戲鮫人諷漢廣之所詠觀遊女於水濱耀神景於中
沚被輕縠之織羅遺芳烈而靖步抗皓手而清歌歌曰望雲
際兮有好仇天路長兮往無由佩蘭蕙兮爲誰修宴婉絕兮
我心愁此宮館之妙也子能從我而居之乎玄微子曰予耽
巖穴未暇此居也

籠同籠呈知切

較古卯反種音圭
耀以入反耀七笑

鏡機子曰既遊觀中原逍遙閑宮情放志蕩淫樂未終亦將
有才人妙妓遺世越俗揚北里之流聲紹陽阿之妙曲爾乃
御支軒臨洞庭琴瑟交揮左篴右笙鐘鼓俱振簫管齊鳴然
後姣人乃被文縠之華袿振輕綺之飄颻戴金搖之熠燿揚

切鮮明也照也

躡綺喬反 躡於遠

反 躡時聞反

燕反舉也 飛則立

反 鳧同音扶

潔歌也

弛尸氏反 婦湯火

反

翠羽之雙翹揮流芳耀飛文歷盤鼓煥續紛長裾隨風悲歌
入雲躡捷若飛蹈虛遠蹠凌躍超驤蜿蟬揮霍翔爾鴻蒼激
然鳧沒縱輕體以迅赴景追形而不逮飛聲激塵依違厲響
才捷若神形難為象於是為歡未潔白日西頽散樂變節微
步中閨玄眉弛兮公華落收亂髮兮拂蘭澤形婚服兮揚幽
若紅顏宜笑睇眄流光時與吾子攜手同行踐飛除即閑房
華燭爛幄幙張動朱唇發清商揚羅袂振華裳九秋之夕為
歡木末此聲色之妙也子能從我而遊之乎玄微子曰子願
清虛未暇此遊也

晉耀也

鏡機子曰予聞君子樂奮節以顯義烈士甘危軀以成仁是
以雄俊之徒交黨結倫重氣輕命感分遺身故田光伏劍於
北燕公叔畢命於西秦果毅輕斷虎步谷風威習萬乘華夏

稱雄辭未及終而玄微子曰善鏡機子曰此乃游俠之徒耳

未足稱妙也若夫田文無忌之儔乃上古之俊公子也皆飛

仁揚義騰躍道藝遊心無方抗志雲際凌轢諸侯驅馳當世

揮袂則九野生風慷慨則氣成虹蜺吾子若當此之時能從

我而友之乎玄微子曰予亮願焉然方於大道有累如何

鏡機子曰世有聖宰翼帝霸世同量乾坤等曜日月玄化參

神與靈合契惠澤播於黎苗威靈震乎無外超隆平於殷周

踵羲皇而齊泰顯朝惟清王道遐均民望如草我澤如春河

濱無洗耳之士喬嶽無巢居之民是以俊乂來仕觀國之光

舉不遺才進各異方讚典禮於辟雍講文德於明堂正流俗

之華說綜孔氏之舊章散樂移風國富民康神應休臻屢獲

嘉祥故甘露紛而晨降景星宵而舒光觀游龍於神淵聆鳴

轢音方

蜺叶韻

踵繼也

釋音偉
攪古卯反亂也

鳳於高岡此霸道之至隆而雍熙之盛際然主上猶以沉思
之未廣懼聲教之未厲采英奇於仄陋宣皇明於巖穴此寧
子商歌之秋而呂望所以投綸而逝也吾子為太和之民不
欲仕陶唐之世乎於是玄微子攘袂而興曰韓哉言乎近者
吾子所述華淫欲以厲我祇攬予心至聞天下穆清明君莅
國覽盈虛之正義知頑素之迷惑今予廓爾身輕若飛願反
初服從子而歸

七命八首

張協

奧鳥浩反
造七到反駭七南
切輓女聲反
五各反

沖漠公子舍華隱曜嘉遯龍盤翫世高蹈游心於浩然玩志
乎衆妙絕景乎大荒之遐阻吞響乎幽山之窮奧於是狗華
大夫聞而造焉乃勅雲輅駮飛黃越奔沙輾流霜凌扶搖之
風躡堅冰之津旌拂霄堦軌出蒼垠天清冷而無霞野曠朗

渾胡本反獲胡郭
反懈胡貢反懈音
勞音音音音音音音
音音音音音音音

而無塵臨重岫而攬戀顧石室而廻輪遂適沖漠之所居其
居也崢嶸幽藹蕭瑟虛玄溟海渾濩涌其後嶰谷岬嶠張其
前尋竹竦莖蔭其壑百籟羣鳴聳其山衝飈發而廻日飛磔
起而麗天於是登絕巘迺長風陳辯惑之辭命公子於巖中
曰蓋聞聖人不卷道而背時智士不遺身而匿跡生必耀華
名於玉牒沒則勒洪伐於金冊今公子違世陸沉避地獨竄
有生之歡滅資父之義廢愁洽百年苦溢千歲何異從鱗之
游汀滸短羽之棲翳薈今將榮子以天人之大寶悅子以縱
性之至娛窮地而遊中天而居傾四海之歡殫九州之腴鑽
屈轂之瓠解疏屬之拘子欲之乎公子曰大夫不遺來萃荒
外雖在不敏敬聽嘉話
大夫曰寒山之桐出自太冥含黃鐘以吐榦據蒼岑而孤生

汀吐冷反渾音寧
又叔冷反音烏會
反又音減
瓠音護屬市玉切
話下快反說也

嶺音聲 嶺音聲 嶺音聲
去迷反 嶺音聲
嶺之石反 與嶺同
則音月 莫莫反
嶺音脩 嶺音向也

既乃瓊巘嶒嶸。金岸岬岬。左當風谷。右臨雲谿。上無凌虛之
巢。下無踞實之蹊。搖川峻挺。茗邈茗嶢。晞三春之溢露。遡九
秋之鳴飈。零雪寫其根。霏霜封其條。木既繁而後綠。草未素
而先凋。於是構雲梯。陟崢嶸。翦蕤賓之陽柯。剖大呂之陰莖。
營匠斷其樸。伶倫均其聲。器舉樂奏。促調高張。音朗號鐘韻。
清繞梁。追逸響於八風。采奇律於歸昌。啟中黃之少宮。發虞
收之變商。若乃龍火西頽。暄氣初收。飛霜迎節。高風送秋。羈
旅懷上之徒。流宕百惟之疇。撫促柱則酸鼻。揮危絃則涕流。
若乃追清哇。赴嚴節奏。綠水吐白雪。激楚迴流風。結悲蕤茨
之朝落。悼望舒之夕缺。斃發為之擗。標孀老為之嗚咽。王子
拂纓而傾耳。六馬噓天而仰秣。此蓋音曲之至妙。子豈能從
我而聽之乎。公子曰。予病未能也。

擗音辟 切 擗音擗
反

擗音擗

表標也 圓鏡也

大夫曰。蘭宮祕宇。雕堂綺檻。雲屏爛汗。瓊壁青蔥。應門八襲。
旋臺九重。表以百常之闕。園以萬雉之墉。爾乃嶢榭迎風。秀
出中天。翠觀岑青。雕閣霞連。長翼臨雲。飛陛陵山。望玉繩而
結極。承倒影而開軒。頽素炳煥。粉拱嵯峨。陰虬負檐。陽馬承
阿。錯以瑤英。鏤以金華。方疏含秀。圓井吐葩。重殿疊起。交綺
對楹。幽堂晝密。明室夜朗。焦螟飛而生風。尺蠖動而成響。若
乃目厭常玩。體倦帷幄。携公子而雙遊。時娛觀於林麓。登翠
阜。臨丹谷。華草錦繁。飛采星燭。陽葉春青。陰條秋綠。華實代
新。承意恣觀。仰折神蕤。俯采朝蘭。遡惠風於蘅薄。春椒塗於
瑤壇。爾乃浮三翼。戲中泚。潛鯁駭驚。翰起沉絲。結飛矰。理挂
歸翮。於赤霄之表。出華鱗於紫淵之裏。然後縱棹隨風。弭楫
乘波。吹孤竹。拊雲和。淵客唱淮南之曲。榜人奏采菱之歌。歌

粉音汾 與粉音字
通

蠖鳥郭反

蕤音蕤 又許妖反

遡音素

泚音止 鯁先才反

榜補孟反

日乘鳥舟兮為水嬉臨芳洲兮拔雲芝樂以忘戚遊以卒時窮夜為日畢歲為期此蓋宴居之浩麗子豈能從我而處之乎公子曰子病未能也

鑿與旄古字通

大夫曰若乃白商素節月既授衣天凝地閉風厲霜飛柔條夕勁密葉晨稀將因氣以效殺臨金郊而講帥爾乃列輕武整戎剛建雲髦啓雄芒駕紅陽之飛鷲駭唐公之驪駟屯羽

驪虛端反又盧官反假音良

隊於外林縱輕翼於中荒爾乃布飛絲張脩良陵黃岑挂青巒畫長壑以為限帶流谿以為關既乃內無疏蹊外無漏跡

鉦音征數音措

叩鉦數校舉麾旌獲鼓金機馳鳴鉤翦剛豪落勁翻車騎競鴛駢武齊轍翕忽揮霍雲迴風列聲動響飛形移景發舉戈林竦揮鋒電滅仰傾雲巢俯彈地穴乃有圓文之玃斑題之

玃音牽

從鼓鬣風生怒目電睽口齧霜刃足撥飛鋒馳林蹶石扣跋

從音宗鬣音獵睽七客反跋胡役反

撥補達反五忽反

幽叢於是飛黃奮銳貞石逞伎感封豨償馮豕拉魁懸控解

馮音食又甫連反

鷹句爪摧鋸牙捍瀾漫狼藉傾榛倒壑頌背挂山僵踣掩澤

鷹子六反

藪為毛林隰為丹薄於是撤圍頓罔卷旆收為虞人數獸林

衡音叔馮元買反

衡計鮮論最犒勤息馬韜弦有馴連鑣酒駕方軒千鍾電醕

向古候又神北買反又神買及兩手擊也

萬燧星繁陵阜流膏谿谷厭芳煙歡極樂殫廻節而旋此亦田遊之壯觀子豈能從我而為之乎公子曰余病未能也

醕徒鼎反

大夫曰楚之陽劔歐冶所營耶谿之鉞赤山之精銷踰羊頭

鉞丁亂反

鏃越鍛成乃鍊乃鑠萬辟千灌豐隆奮推飛廉扇炭神器化

成陽文陰縵流綺星連浮彩豔發光如散電質如耀雪霜鐸

水凝冰刃露潔形冠豪曹名珍巨闕指鄭則三軍白首麾管

則千里流血豈徒水截蛟鴻陸灑奔駟斷浮翮以為工絕重

甲而稱利云爾而已哉若其靈寶則舒辟無方奇鋒異模形

靈猶擊也

甲而稱利云爾而已哉若其靈寶則舒辟無方奇鋒異模形

從子容反

眸莫侯反 圃音韻

巾節也 踊音勇

震薛燭光駭風胡價兼三鄉聲貴一都或馳名傾秦或夜飛
去吳是以功冠萬載威曜無窮揮之者無前擁之者身雄可
以從服九國橫制八戎爪牙景附函夏承風此蓋希世之神
兵子豈能從我而服之乎公子曰余病未能也
大夫曰天驥之駿逸態超越稟氣靈淵受精皎月眸矚黑照
玄采紺發沫如揮紅汗如振血秦青不能識其象尺方埋不
能觀其若滅爾乃巾雲軒踐朝霧赴春衢整秋御蚪蝻螭騰
麟超龍翥望山載奔視林載赴氣盛怒發星飛電駭志陵九
州勢越四海影不及形塵不暇起浮箭未移再踐千里爾乃
踰天垠越地隔過汗漫之所不游躡章亥之所未跡陽鳥爲
之頓羽夸父爲之投策斯蓋天下之儻乘子豈從我而御之
乎公子曰余病未能也

錯雜也

勻知略反 鑿音略

編丁刮反

隨音煩 隨之石反

翻海米反 又得爾

反輪待來反 關力

救切 燭昌善反 撥

直耕反 隨音漆 又

他兼反 與沽同 隨

直慮反 醫音者

閱苦決反 訖也

揆七豆反 初先歷

反 椰以差反 又余

遮切 音耶 駁口角

反 又苦角反 協韻

苦豆反

大夫曰大梁之黍瓊山之禾唐稷播其根農帝嘗其華爾乃
六禽殊珍四膳異肴窮海之錯極陸之毛伊公爨鼎庖子揮
刀味重九洲和兼勺蔡晨鳥露鵠霜鷄黃雀園按星亂方丈
華錯封熊之躡翰首之跖鷲髀猩脣髦殘象白靈淵之龜菜
黃之鮫丹穴之鸚玄豹之胎輝以秋橙醅以春梅接以商王
之箸承以帝辛之杯范公之鱗出自九溪賴尾丹鯁紫翼青
鬚爾乃命支離飛霜鏑紅肌綺散素膚雪落婁子之毫不能
厠其細秋蟬之翼不足擬其薄繁有既闕亦有寒差商山之
果漢臯之棲析龍眼之房剖椰子之殼芳旨萬選承意代奏
乃有荆南烏程豫北竹葉浮蟻星沸飛華萍接玄石嘗其味
儀氏進其法傾壘朝可以流洵十日單醪投川可使三軍
告捷斯人神之所歆羨觀聽之煒燁也子豈能彊起而御之

新刊水經 卷之八

脂音昔

乎公子曰耽口爽之饌甘腊膏之味服腐腸之藥御亡國之器雖子大夫之所榮故亦吾人之所畏余病未能也

光大也

配天光宅其基德也隆於姬公之處岐其垂仁也富乎有殷之在亳南箕之風不能暢其化離畢之雲無以豐其澤皇道

微音叶

煥炳帝載緝熙道氣以樂宣德以詩教清於雲官之世治穆乎鳥紀之時王猷四塞函夏謐寧丹寘投烽青微釋警却馬於糞車之轅銘德於昆吾之鼎羣萌反素時文載郁耕父推

音和曲

昨魚豎讓陸樵夫恥危冠之節輿臺笑短後之服六合時邕魏魏蕩蕩玄齟巷歌黃髮擊壤解羲皇之繩錯陶唐之象若

猶音岐擾馴也

乃華裔之夷流荒之貊語不傳於輞軒地不被乎正朔莫不駿奔稽顙委質重譯丁時昆岐感惠無思不擾苑戲九尾之

夥音偶多也盈過也

禽圍棲二足之鳥鳴鳳在林夥於黃帝之園有龍游淵盈於孔甲之沼萬物烟熅天地交泰義懷靡內化感無外林無被

滔也也烟音因熅於云反

褐山無草帶皆象刻於白石兆發乎靈蔡稽紳濟濟軒冕藹藹功與造化爭流德與一儀比大言未終公了蹶然而興曰

猶苦懸反

鄙夫固陋守此狂狷蓋理有毀之而爭寶之訟解言有怒之而齊王之疾痊向子誘我以聾耳之樂棲我以鄰家之屋出

痊差也

遊馳蕩利刃駿足既老氏之攸戒非吾人之所欲故靡得而應子至聞皇風載躋時聖道淳舉質為秋摘藻為春下有可

諛子鬼及又子匪反

封之民上有大哉之君余雖不敏請尋後塵

詔照也

詔類

漢武帝

詔曰蓋有非常之功必待非常之人故馬或奔蹏而致千里

蹏觀帝反又杜計反

泛方奉及斷音拓
弛戎氏反
其辭也

士或有負俗之累而立功名。夫涖駕之馬。跡弛之士。亦不御之而已。其令州縣察吏民有茂才異等。可為將相及使絕國者。

賢良詔

漢武帝

朕聞昔在唐虞。畫象而民不犯。日月所燭。莫不率俾。周之成康。刑錯不用。德及鳥獸。教通四海。海外肅慎。北發渠搜。氏羌來服。星辰不孛。日月不蝕。山陵不崩。川谷不塞。麟鳳在郊。藪河洛出圖書。鳥獸何施而臻此乎。今朕獲奉宗廟。夙興以求。夜寐以思。若涉淵水。未知所濟。猗歟。偉歟。何行而可以彰先帝之洪業。休德。上參堯舜。下配三王。朕之不敏。不能遠德。此予大夫之所覩聞也。賢良明於古今。主事之體。受策察問。咸以書對著之于篇。朕親覽焉。

觀古切

歟辭也

鳥聲同嗚呼

字音勃

錯音措

冊符命冊

冊類

冊魏公九錫文

潘勗

制詔使持節丞相領冀州牧武平侯朕。以不德少遭閔凶。越在西北。遷于唐衛。當此之時。若綴旒然。宗廟之祀。社稷無位。羣凶覬覦。連帶城邑。一人尺土。朕無獲焉。即我高祖之命。將墜於地。朕用夙興。假寐震悼。于厥心。口惟祖。惟父。股肱先正。其孰恤朕躬。乃誘天衷。誕育丞相。保乂我皇家。弘濟于艱難。朕實賴之。今將授君典禮。其敬聽朕命。昔者董卓初興。國難羣后。釋位以謀上室。君則攝進首啟。戎行此君之忠於本朝也。後及黃巾。反易天常。侵我三州。延于平民。君又討之。翦除其跡。以寧東夏。此又君之功也。韓暹楊奉。專用威命。又賴君勳。尅黜其難。遂建許都。造其京畿。設官兆祀。不失舊物。天地

魏音記觀音逾

魏音流

遷息廉切

備之涉及

斷音其

沮慈與及睡音雖

逆比諍以散也

誕欺也

誠古麥切

鬼神於是獲又此又君之功也袁術僭逆肆于淮南備懼君靈用不顯謀斬陽之役橋蕤授首稜威南厲術以殞潰此又君之功也迴戈東指呂布就戮乘軒將返張揚沮斃駐固伏罪張繡稽伏此又君之功也袁紹逆常謀危社稷憑恃其衆稱兵內侮當此之時王師寡弱天下寒心莫有固志君執大節精貫白日奮其武怒運諸神策致屈官渡大殲醜類俾我國家拯於危墜此又君之功也濟師淇河拓定四州袁譚高幹咸梟其首海盜奔迸黑山順軌此又君之功也烏丸三種崇亂一此袁尚囚之逼據塞北束馬懸車征而滅此又君之功也劉表背誕不供貢職王師首路威風先逝白城八郡交臂屈膝此又君之功也馬超成官同惡相濟濱據河潼求所逞欲殄之渭南獻馘萬計遂定邊城撫和戎狄此又君之

苛繁也

世時也

繫鳥及發聲也
爰於也
率循也俾便也
應女六反慙也

功也鮮卑丁令重譯而至單于白屋請吏帥職此又君之功也君有定天下之功重以明德班敘海內宣美風俗旁施勤教恤慎刑獄吏無苛政民不回慝敦崇帝族援繼絕世舊德前功罔不咸秩雖伊尹格于皇天周公光于四海方之茂如也朕聞先王竝建明德胙之以土分之以民崇其寵章備其禮物所以蕃衛王室左右厥世也其在周成管蔡不靖懲難念功乃使邵康公錫齊太公履東至于海西至於河南至于穆陵北至于無棣五侯九伯實得征之世祚人師以表東海爰及襄王亦有楚人不供王職又命晉文登爲侯伯錫以二輅虎賁鈇鉞鉅鬯弓矢大啟南陽世作盟主故周室之不壞繫一國之是賴今君稱不顯德明保朕躬奉答天命導揚弘烈綏爰九域罔不率俾功高伊周而賞卑乎齊晉朕甚慙

置子余及契謂也灼也

焉朕以眇身託于兆民之上永思厥艱若涉淵水非君位濟
 朕無任焉今以冀州之河東河內魏郡趙國中山鉅鹿常山
 安平甘陵平原凡十郡封君為魏公使使持節御史大夫慮
 授君印綬冊書金虎符第一至第五竹使符第一至第十右
 錫君玄土苴以白茅爰契爾龜用建冢社昔在周室畢公毛
 公入為卿佐周邵師保出為二伯外內之任君實宜之其以
 丞相領冀州牧如故今更下傳璽肅將朕命以允華夏其上
 故傳武平侯印綬今又加君九錫其敬聽後命以君經緯禮
 律為民軌儀使安職業無或遷志是用錫君大輅戎輅各一
 玄牡一駟君勸分務本嗇民昏作粟帛滯積人業惟興是用
 錫君袞冕之服赤舄副焉君敦尚謙讓俾民興行少長有禮
 上下咸和是用錫君軒懸之樂六佾之舞君翼宣風化爰發

置所力反

鳥性赤反

賁音奔

極舉力反

彤音同赤也綠音盧黑也

音酉

服用也時是也處信也處眾也

令秦法皇后太子稱令命也

庸用也勳功也

四方遠人回面華夏充實是用錫君朱戶以居君研其明哲
 思帝所難官才任賢舉善必舉是用錫君納陛以登君秉國
 之均正色處中纖毫之惡靡不抑退是用錫君虎賁之士三
 百人君糾虔天刑章厥有罪犯關下紀莫不誅殛是用錫君
 鈇鉞各一君龍驤虎視旁眺八維掩討逆節折衝四海是用
 錫君彤弓一彤矢百旅弓十旅矢千君以溫恭為基孝友為
 德明允篤誠感乎朕思是用錫君秬鬯一卣珪瓚副焉魏國
 置丞相以下羣卿百僚皆如漢初諸王之制君往欽哉敬服
 朕命簡恤爾眾時亮庶功用終爾顯德對揚我高祖之休命
 令類

宣德皇后令

任昉

宣德皇后敬問其位夫功在不實故庸勳之典蓋闕施俸造

折先歷反

物則謝德之途已寡。要不得不彊為之名。使空宰有寄。公實天生德。齊聖廣淵。不改參辰。而九星仰止。不易日月。而一儀貞觀。在昔晦明。隱鱗戢翼。博通羣籍。而讓齒乎一卷之師。劍氣凌雲。而屈迹於萬夫之下。辯析天口。而似不能言。文擅雕龍。而成輒削。藁爰在弱冠。首應弓旌。客遊梁朝。則聲華籍甚。薦名宰府。則延譽自高。隆昌季年。勤王始著。建武惟新。締構斯在。功隆賞薄。嘉庸莫疇。馬之田介山之志。愈厲六百之秩。大樹之號。斯存。及擁旄司部。代馬不敢南牧。推轂樊鄧。胡塵罕嘗。夕起。惟彼狡童。窮凶極虐。衣冠泯絕。禮樂崩喪。既而鞠旅誓衆。言謀王室。白羽一麾。黃鳥底定。甲既鱗下。車亦瓦裂。致天之屈。拱揖羣后。豐功厚利。無得而稱。是以祥光總至。休氣四塞。五老遊河。飛星入昴。元功茂勳。若斯之盛。而地狹

時報也。愈益也。

屈深也。

乎四履。勢卑乎九伯。帝有恩焉。輜軒萃止。今遺某位某甲等。率茲百辟。人致其誠。庶匪席之旨。不遠而復。

教類

為宋公修張良廟教

傅亮

綱紀大盛。德不泯。義存祀典。微管之歎。撫事彌深。張子房道亞黃中。照隣殆庶。風雲玄感。蔚為帝師。夷項定漢。大拯橫流。固已參軌伊望。冠德如仁。若乃神交比上。道契商洛。顯默之際。窅然難究。淵流浩漭。莫測其端矣。塗次舊浦。佇駕雷城。靈廟荒頽。遺像陳昧。撫跡懷人。永歎定深。過大梁者。或佇想於夷門。遊九原者。亦流連於隨會。擬之若人。亦足以云可改。構棟宇。修飾丹青。蘋蘩行潦。以時致薦。抒懷古之情。存不刊之烈主者施行。

教。秦法諸公王稱。教示也。

固已辭也。比典之反。

為宋公修楚元王墓教

傅亮

綱紀夫褒賢崇德千載彌光尊本敬始義隆自遠楚元王積
仁基德啟藩斯境素風道業作範後昆本支之祚實隆鄙宗
遺芳餘烈奮乎百世而丘封翳然墳塋莫翦感遠存往慨然
永懷夫愛人懷樹甘棠且猶勿翦追甄墟墓信陵尚或不泯
況瓜瓞所興開源自本者乎可蠲復近墓五家長給灑掃便
可施行

魏吉然反賦庭結
及
獨免也

文類

永明九年策秀才文五首

王融

問秀才高第明經朕聞神靈文思之君聰明聖德之后體道
而不居見善如不及是以崆峒有順風之請華封致乘雲之
拜或揚旌求士或設簾待賢用能敷化時餘烈千古朕寅

名黃敬也

載則也

懋美也

推上四反

明古大反

采盧對及愛易也

鹵音魯

澆與濠同薄也

弛式氏反

肺芳廢切

緇思兒又遠也

奉天命恭惟永圖審聽高居載懷祇懼雖言事必史而象闕
未箴寤寐嘉猷延佇忠實予大夫選名外學利用賓王懋陳
三道之要以光四科之首鹽梅之和屬有望焉
又問昔周宣惰千畝之禮虢公納諫漢文缺一推之義賈生
直言良以食惟民天農為政本金湯非粟而不守水旱有待
而無遷朕式照前經寶茲稼穡祥正而青旗肅事上膏而朱
紘戒典將使杏花菖葉耕穫不愆清明冷風述遵無廢而釋
耒佩牛相洽莫反兼貧擅富浸以為俗若爰并開制懼驚擾
愚民鬲鹵可映恐時無史白興廢之術矢陳厥謀
又問議獄緩死大易深規敬法卹刑虞書茂典自氓俗澆弛
法令滋彰肺石少不冤之民棘林多夜哭之鬼朕所以明發
動容具食興慮傷秋荼之密網惻夏日之嚴威永念畫冠緇

發音環

追刑厝徒以百緩輕科反行季葉四支重罰爰創前古訪游禽於絕澗作霸秦基歌雞鳴於闕下稱仁漢牘二途如筭即用兼通昌言所安朕將親覽

繹音夏文編專友

參音一

又問聚人曰財次政曰貨泉流表其不匱賢遷通其有無既龜貝積寢緡繹專用世代茲多銷漏參倍下貧無兼辰之業中產闕游歲之貲惟獲郵隱無捨於歎上帝溥臨賜朕休寶命印斜之谷開而出銅且有後命事茲鎔範克都內之金紹圓府之職但亦仄深巧學之患榆莢難輕重之權開塞所宜悉心以對

囑音愚

又問治曆明時昭遷革之運改憲勅法審刑德之原分命顯於唐官文條炳於鄒說及岨夷廢職昧谷虧方漢秉素祇之徵魏稱黃星之驗紛爭空軫疑論無歸朕獲纂洪基思弘至

參音庚世

道庶令日月休微風雨玉燭克明之旨弗遠欽若之義復還於子大夫何如哉其驪翰改色寅丑殊建別白書之

永明十一年策秀才文五首

王融

問秀才朕秉錄御天握樞臨極五辰空撫九序未歌至於思政明臺訪道宣室若墜之惻每勤如傷之念日軫故恤貧緩賦省徭慎獄幸四境無虞三秋式稔而多黍多稌不興兩穗之謠無褐無衣必盈七月之歎豈有政未優將罷民難業登爾於朝是屬宏議罔弗同心以匡厥辟

辭君也

虞度也

參轉也

徐音杜

國差也

疑成也

又問惟王建國惟典命官上叶星象下符川嶽必待天爵具修人紀咸事然後公才授職揆務分司是以五正置於朱宣下民不惑九工開於黃序庶績其凝周官三百漢位兼倍歷茲以降游惰寔繁若閑冗畢弃則橫議無已冕笏不澄則坐

則法也

陝音門

陟音曉

天音太又達蓋切
簡也

猶音山

述循也

既猶窮也

談彌積何則可修善詳其對

又問昔者賢牧分陝良守共治下邑必樹其風一鄉可以為績至有且撫鳴琴日置醇酒文而無害嚴而不殘故能出入於沾危之域躋俗於仁壽之地是以賈誼言天下之有惡吏之罪也頃深汰珪符妙簡銅墨而春雉未馴秋螟不散入在朕前奏其智略出連城守闕爾無聞豈新賴之道未弘為網羅之日尚簡悉意止辭無侵執事

又問朕聞上智利民不述於禮大賢彊國罔圖惟舊豈非療飢不期於鼎食拯溺無待於規行是以二王異道而共昌五霸殊風而並烈今農戰不修文儒是競弁本徇末厥弊滋多昔宋臣以禮樂為殘賊漢主比文章於鄭衛豈欲非聖無法將以既道而權今欲專士女於耕桑習鄉閭以弓騎五都復而事庠序四民富而歸文學其道奚若爾無面從

奚何也若如也

德音勳

階因也論述也

沃猶洗也

片言而求一輔一說而定五州斯路何階人誰或可進謀誦志以沃朕心

天監三年策秀才文三首

任昉

問秀才朕長驅樊鄧直指商郊因籍時來乘此歷運當晨永念猶懷慚德何者白王之敝齊季斯甚衣冠禮樂掃地無餘雕斲列方經綸草昧採一十之禮冠履粗分因六代之樂宮判始辨而百度草創倉廩未實若終敵不稅則國用靡資百

策

策文

猗子小反音救

姓不足則惻隱深慮每時入芻藁歲課田租愀然疚懷如憐赤子今欲使朕無滿堂之念民有家給之饒漸登九年之蓄稍去關市之賦子大夫當此三道利用賓王斯理何從行聞良說

問朕本自諸生弱齡有志閉戶自精開卷獨得九流七略頗嘗觀覽六藝百家庶非精而雖一日萬機早朝宴罷聽覽之暇三餘靡失士之化下草假風從惟此虛寡弗能動俗昔紫衣賤服猶化齊風長纓鄙好且變鄒俗雖德慙往賢業優前事且大指紳道行祿利然也朕傾心駿骨非懼真龍輜駟青紫如拾地芥而惰游廢業十室而九鳴鳥茂聞子衿不作弘獎之路斯旣然矣猶其寂寞應有良規問朕立諫鼓設謗木於茲二年矣比雖輻輳闕下多非政要

輜音縑駟薄子反又部田切茂無也

睡五懈反毗仕懈反

日伏青蒲罕能切直將齊季多諱風流遂往將謂朕空然慕古虛受弗弘然自右臨萬寓介在民卜何嘗以一言失旨轉徙朔方眈眈有違論輸左授使直臣杜口忠讓路絕將恐弘長之道別有未周悉意以陳極言無隱

表類

薦補衡表

孔融

臣聞洪水橫流帝思俾乂旁求四方以招賢俊昔世宗繼統將弘祖業疇咨熙載羣士響臻陛下啟聖纂承基緒遭遇厄運勞謙日久維嶽降神異人竝出竊見處士平原補衡年十四字正平淑質貞亮英才卓犖初涉藝文升堂觀奧目所一見輒誦於口耳所暫聞不忘於心性與道合思若有神弘罕潛計安世默識以衡準之誠不足怪忠果且直志懷霜雪

表明也標也進之天子也

招引也

疇誰也

矜力角反

全蒲閱切

見善若驚疾惡若讐任座抗行史魚厲節殆無以過也執鳥
累白不如鴨使衡立朝必有可觀飛辯騁辭溢氣全涌解
疑釋結臨敵有餘昔賈誼求試屬國詭係單于終軍欲以長
纓牽致勁越弱冠慷慨前代美之近日路粹嚴象亦用異才
擢拜臺郎衡宜與爲比如得龍躍天衢振翼雲漢揚聲紫微
垂光虹蜺足以昭近署之多上增四門之穆穆鈞天廣樂必
有奇麗之觀帝室皇居必畜非常之寶若衡等輩不可多得
激楚陽阿至妙之容掌伎者之所貪飛兔騶裏絕足奔放良
樂之所急也臣等區區敢不以聞陛下篤慎取士必須劾試
乞令衡以褐衣召見必無可觀采臣等受向欺之罪

出師表

諸葛亮

臣亮言先帝創業未半而中道崩殂今天下三分益州罷弊

世入聲切

要鳥反要奴鳥

禱於官反

咨謀也

暢達也

此誠危急存亡之秋也然侍衛之臣不懈於內忠志之士亡
身於外者蓋追先帝之遇欲報之於陛下也誠宜開張聖聽
以光先帝遺德恢志士之氣不宜妄自菲薄引喻失義以塞
忠諫之路也宮中府中俱爲一體陟罰臧否不宜異同若有
作姦犯科及爲忠善者宜付有司論其刑賞以昭陛下平明
之治不宜偏私使內外異法也侍中侍郎郭攸之費禕董允
等此皆良實志慮忠純是以先帝簡拔以遺陛下愚以爲宮
中之事事無大小悉以咨之然後施行必能裨補闕漏有所
廣益也將軍向寵性行淑均曉暢軍事試用於昔日先帝稱
之曰能是以衆議舉寵爲督愚以爲營中之事悉以諮之必
能使行陣和穆優劣得所也親賢臣遠小人此先漢所以興
隆也親小人遠賢士此後漢所以傾頽也先帝在時每與臣

猥猶曲也。又衆也。

論此事未嘗不歎息痛恨於桓靈也。侍中尚書長史參軍此
悉貞亮死節之臣也。願陛下親之信之。則漢室之隆可計日
而待也。臣本布衣躬耕於南陽。苟全性命於亂世。不求聞達
於諸侯。先帝不以臣卑鄙。猥自枉屈。三顧臣於草廬之中。諮
臣以當世之事。由是感激。遂許先帝以驅馳。後值傾覆。受任
於敗軍之際。奉命於危難之間。爾來二十有一年矣。先帝知
臣謹慎。故臨崩寄臣以大事也。受命以來。夙夜憂歎。恐託付
不效。以傷先帝之明。故五月渡瀘。深入不毛。今南方已定。兵
甲已足。當帥將二軍。北定中原。庶竭駑鈍。攘除姦凶。興復漢
室。還于舊都。此臣之所以報先帝而忠陛下之職分也。至於
斟酌損益。進盡忠言。則攸之禕允之任也。願陛下託臣以討
賊興後之効。不効則治臣之罪。以告先帝之靈。若無興德之

誠足俱反

言則戮允等。以章其慢。陛下亦宜自謀。以咨諏善道。察納雅
言。深追先帝遺詔。臣不勝受恩感激。今當遠離。臨表涕泣。不
知所云。

求自試表

曹植

臣植言。臣聞士之生世。入則事父。出則事君。事父尚於榮親。
事君貴於興國。故慈父不能愛無益之子。仁君不能畜無用
之臣。夫論德而授官者。成功之君也。量能而受爵者。畢命之
臣也。故君無虛授。臣無虛受。虛授謂之尸祿。虛受謂之尸祿。
詩之素餐。所由作也。昔二虢不辭兩國之任。其德厚也。且奭
不讓燕魯之封。其功大也。今臣蒙國重恩。三世于今矣。正值
陛下升平之際。沐浴聖澤。潛潤德教。可謂厚幸矣。而位竊東
藩。爵在上列。身被輕煖。口厭百味。目極華靡。耳倦絲竹。爵

竊偷也

已音紀

重祿厚之所致也。退念古之受爵祿者，有異於此，皆以功勤濟國輔主，惠民今臣無德可述，無功可紀。若此終年無益國朝，將挂風人彼己之譏。是以上慙玄冕，俯媿朱紱。方今天下一統九州，晏如顧西，尚有違命之蜀，東有不臣之吳。使邊境未得稅甲，謀士未得高枕者，誠欲混同宇內，以致太和也。故啟滅有扈，而夏功昭成；克商奄而周德著。今陛下以聖明統世，將欲卒文武之功，繼成康之隆，簡良授能以力，叔召虎之臣，鎮衛四境，為國爪牙者，可謂當矣。然而高鳥未挂於輕繳，淵魚未懸於鈎餌者，恐鈞射之術或未盡也。昔耿弇不俟光武，亟擊張步，言不以賊遺於君父也。故車右伏劍於鳴轂，雍門刎首於齊境。若此二子，豈惡生而尚死哉？誠忿其慢主而陵君也。夫君之寵臣，欲以除患興利，臣之事君，必殺身靜亂。

扈音尸

弇一儉切又古南切

以功報主也。昔賈誼弱冠求試屬國，請係單于之頸而制其命，終軍以妙年使越，欲得長纓占其上，羈致北闕。此二臣豈好為夸主而耀世俗哉？志或鬱結，欲逞才力，輸能於明君也。昔漢武為霍去病治第，辭曰：匈奴未滅，臣無以家為。固夫憂國忘家，捐軀濟難，忠臣之志也。今臣居外，非不厚也，而寢不安，席食不遑味者，伏以一方未尅，為念伏見先帝武臣，宿兵年者，即世者有聞矣。雖賢不乏世，宿將舊卒，由習戰也。竊不自量，志在效命，庶立毛髮之功，以報所受之恩。若使陛下出不世之詔，效臣錐刀之用，使得西屬大將軍，當一校之隊，若東屬大司馬，統偏師之任，必乘危躡險，騁舟奮驪，突刀觸鋒，為士卒先。雖未能禽權馘亮，庶將虜其雄，率殲其醜類，必效須臾之捷，以滅終身之愧，使名挂史筆，事列朝報。雖身分蜀

統猶揔覽也又理也 效致也

境首懸吳闕猶生之年也如微才不試沒世無聞徒榮其軀而豐其體生無益於事死無損於數虛荷上位而忝重祿禽息鳥視終於白首此徒圜牢之養物非臣之所志也流聞東軍失備師徒小衄輟食弃餐奮袂攘袵撫劍東顧而心已馳於吳會矣臣昔從先武皇帝南極赤岸東臨滄海西望玉門北出玄塞伏見所以行軍用兵之勢可謂神妙矣故兵者不可豫言臨難而制變者也志欲自效於明時立功於聖世每覽史籍觀古忠臣義士出一朝之命以殉國家之難身雖屠裂而功銘著於景鐘名稱垂於竹帛未嘗不拊心而歎息也臣聞明主使臣不廢有罪故奔北敗軍之將用秦魯以成其功絕纓盜馬之臣赦楚趙以濟其難臣竊感先帝早崩威王弃世臣獨何人以堪長久常恐先朝露填溝壑墳土未乾而

北如字又音背

身名竝滅臣聞騏驎長鳴伯樂昭其能盧狗悲號韓國知其才是以效之齊楚之路以逞千里之任試之狡兔之捷以驗搏噬之用今臣志狗馬之微功竊自惟度終無伯樂韓國之舉是以於邑而竊自痛者也夫臨博而企竦聞樂而竊抃者或有賞音而識道也昔毛遂趙之陪隸猶假錐囊之喻以寤主立功何況巍巍大魏多士之朝而無慷慨死難之臣乎夫自銜自媒者士女之醜行也干時求進者道家之明忌也而臣敢陳聞於陛下者誠與國分形同氣憂患共之者也冀以塵露之微裨益山海螢燭未光增輝日月是以敢冒其醜而獻其忠知必為朝士所笑聖主不以人廢言伏惟陛下少垂神聽臣則幸矣

求通親親表

曹植

臣植言。臣聞天稱其高者以無不覆地稱其廣者以無不載。日月稱其明者以無不照。江海稱其大者以無不容。故孔子曰。大哉堯之為君。惟天為大。惟堯則之。夫天德之於萬物。可謂弘廣矣。蓋堯之為教。先親後疏。自近及遠。其傳曰。克明後德。以親九族。九族既睦。平章百姓。及周之文王。亦崇厥化。其詩曰。刑于寡妻。至于兄弟。以御于家邦。是以雍雍穆穆。風人詠之。昔周公弔管蔡之不咸。廣封懿親。以藩屏王室。傳曰。周之宗盟。異姓為後。誠骨肉之恩。爽而不離。親親之義。寔在敦固。未有義而後其君。仁而遺其親者也。伏惟陛下。咨帝唐欽明之德。體文王翼翼之仁。惠洽椒房。恩昭九親。羣臣百僚。番休遞上。執政不廢於公朝。下情得展於私室。親理之路。通慶弔之情。展誠可謂恕已治人。推惠施恩者矣。至於臣者。人道

咸和也

褒差也

鋼與固通

倫道也

絕緒禁鋼。明時臣竊自傷也。不敢乃望。交氣類修人事。敘人倫。近且婚媾不通。兄弟永絕。吉凶之間。塞慶弔之禮。廢恩紀之違。甚於路人。隔閔之異。殊於胡越。今臣以一切之制。永無朝覲之望。至於注心皇極。結情紫闥。神明知之矣。然天實為之。謂之何哉。退省諸王。常有戚戚具爾之心。願陛下沛然垂詔。使諸國慶問四節得展。以敘骨肉之歡。恩全怡怡之篤。義妃妾之家。膏沐之遺。歲得再通。齊義於貴宗。等惠於百司。如此則占人之所歎。風雅之所詠。復存於聖世矣。臣伏自惟省。無錐刀之用。及觀陛下之所拔授。若以臣為異姓。竊自料度。不後於朝士矣。若得辭遠遊。戴武弁。解朱組。佩青紱。駟馬奉車。趣得一號安宅。京室執鞭。珥筆出從。華蓋入侍。輦轂承答。聖問拾遺。左右乃臣丹情之至。願不離於夢想者也。遠慕鹿

珥掛也

沉許訪切聲也

鳴君臣之宴中詠棠棣匪他之誠下思伐木友生之義終懷
 蓼莪罔極之哀每四節之會塊然獨處左右唯僕隸所對唯
 妻子高談無所與陳發義無所與展未嘗不聞樂而拊心臨
 觴而歎息也臣伏以為大馬之誠不能動人譬人之誠不能
 動天崩城隕霜臣初信之以臣心況徒虛語耳若葵藿之傾
 葉太陽雖不為之迴光終向之者誠也臣竊自比葵藿若降
 天地之施垂三光之明者寔在陛下臣聞文子曰不為福始
 不為禍先今之否隔友于同憂而臣獨唱言者何也竊不願
 於聖代使有不蒙施之物必有慘毒之懷故栢舟有大只之
 怨谷風有弃予之歎伊尹恥其君不為堯舜孟子曰不以舜
 之所以事堯事其君者不敬其君者也臣之愚蔽固非虞伊
 至於欲使陛下崇光被時雍之美宣緝熙章明之德者是臣

懷音貴

悽悽之誠竊所獨守寔懷鶴立企佇之心敢復陳聞者冀陛
 下儻發天聰而垂神聽也

讓開府表

羊祜

臣祜言臣昨出伏聞恩詔拔臣使同台司臣自出身以來適
 十數年受任外內每極顯重之地常以智力不可彊進恩寵
 不可久謬夙夜戰慄以榮為憂臣聞古人之言德未為眾所
 服而受高爵則使才臣不進功未為眾所歸而荷厚祿則使
 勞臣不勸今臣身託外戚事遭運會誠在過寵不患見遺而
 猥超然降發中之詔加非次之榮臣有何功可以堪之何心
 可以安之以身誤陛下辱高位傾覆亦尋而至願復守先人
 弊廬豈可得哉違命誠忤天威曲從即復若此蓋聞古人申
 於見知大臣之節不可則止臣雖小人敢緣所蒙念存斯義

忤逆也

猥猶曲也又頃也

今天下自服化已來方漸八年雖側席求賢不遺幽賤然臣等不能推有德進有功使聖聽知勝臣者多而未達者不少假令有遺德於版築之下有隱才於屠釣之間而今朝議用臣不以爲非臣處之不以爲愧所失豈不大哉且臣忝竊雖久未若今日兼文武之極寵等宰輔之高位也臣所見雖狹據光祿大夫李喜秉節高亮正身在朝光祿大夫魯芝絜身寡欲和而不同光祿大夫李胤泣政弘簡在公正色皆服事華髮以禮始終雖歷內外之寵不異寒賤之家而猶未蒙此選臣更越之何以塞天下之望少益日月是以誓心守節無苟進之志今道路未通方隅多事乞留前恩使臣得速還屯不爾雷連必於外虞有闕臣不勝憂懼謹觸冒拜表惟陛下察匹夫之志不可以奪

李喜自景也

陳情表

李密

臣密言臣以險釁夙遭閔凶生孩六月慈父見背行年四歲舅奪母志祖母劉愍臣孤弱躬親撫養臣少多疾病九歲不行零丁孤苦至于成立既無叔伯終鮮兄弟門衰祚薄晚有兒息外無基功彊迫之親內無應門五尺之僮孑孑獨立形影相弔而劉夙嬰疾病常在牀蓐臣侍湯藥未嘗廢離逮奉聖朝沐浴清化前太守臣逵察臣孝廉後刺史臣榮舉臣秀才臣以供養無主辭不赴會詔書特下拜臣郎中尋蒙國恩除臣洗馬猥以微賤當侍東宮非臣隕首所能上報臣具以表聞辭不就職詔書切峻責臣逋慢郡縣逼迫催臣上道州司臨門急於星火臣欲奉詔奔馳則劉病日篤欲苟順私情則告訴不許臣之進退實爲狼狽伏惟聖朝以孝治天下凡

猥音頁

新刊

新刊

新刊

在故老猶蒙矜育。況臣孤苦特爲尤甚。且臣少仕僞朝。歷職郎署。本圖宦達。不矜名節。今臣亡國賤俘。至微至陋。過蒙拔擢。寵命優渥。豈敢盤桓有所希冀。但以剋日薄西山。氣息奄奄。人命危淺。朝不慮夕。臣無祖母。無以至今日。祖母無臣。無以終餘年。母孫二人更相爲命。是以區區不能廢遠。臣密今年四十有四。祖母剋今年九十有六。是臣盡節於陛下之日長。報剋之日短也。烏鳥私情。願乞終養。臣之辛苦。非獨蜀之人士及一州牧伯所見。明知皇天后土實所共鑒。願陛下矜愍愚誠。聽臣微志。庶剋僥倖。保卒餘年。臣生當隕首。死當結草。臣不勝犬馬怖懼之情。謹拜表以聞。

謝平原內史表

陸機

陪臣陸機言。今月九日。魏郡太守遣兼丞張含。賫板詔書印。

〔佛〕古堯反。與後同。

〔賈〕音辟。

〔邈〕凌邈也。

〔罔〕九水切。枉曲也。

〔最〕小兒也。尚。最也。〔吝〕惜也。

綬假臣爲平原內史。拜受祇竦。不知所裁。臣本出自敵國。世無先臣宣力之効。才非直園耿介之秀。皇澤廣被。惠濟無遠。擢自羣萃。累蒙榮進。入朝九載。歷官有六。身登三閣。官成兩宮。服冕乘軒。仰齒貴遊。振景拔迹。顧邈同列。施重山嶽。義足灰沒。遭國顛沛。無節可紀。雖蒙曠盪。臣獨何顏。俛首頓膝。憂愧若厲。而橫爲故齊王罔所見。枉陷誣臣。與衆人共作禪文。幽執罔當。爲誅始臣之微誠。不負大地倉卒之際。慮有逼迫。乃與弟雲及散騎侍郎表瑜。中書侍郎馮熊。尚書右丞崔基。廷尉正顧榮。汝陰太守曹武。思所以獲免。陰蒙避迴。崎嶇自列。片言隻字。不關其間。事蹤筆跡。皆可推按。而一朝翻然。更以爲罪。最爾之生。尚不足吝。區區本懷。實有可悲。畏逼天威。卽罪惟謹。鉗口結舌。不敢上訴。所天莫大之釁。日經聖聽。

拖我反跨音局
踏精亦反

肝血之誠終不一聞所以臨難慷慨而不能不恨恨者唯此而已重蒙陛下愷悌之宥迴霜收電使不隕越復得扶老攜幼生出獄戶懷金拖紫退就散輩感恩惟咎五情震悼踣天踏地若無所容不悟日月之明遂垂曲照雲雨之澤播及朽瘁忘臣弱才身無足哀臣零落罪有可察苟削丹書得夷平民則塵洗天波謗絕眾口臣之始望尚未至是猥辱大命顯授符虎使春枯之條更與秋蘭垂芳陸沈之羽復與翔鴻撫翼雖安國免徒起紆青組張故亡命坐致朱軒方臣所荷未足為泰豈臣蒙垢含吝所宜忝竊非臣毀宗夷族所能上報喜懼參并悲慚哽結拘守常憲當便道之官不得束身奔走稽顙城闕瞻係天衢馳心輦轂臣不勝屏營延仰謹拜表以聞

勸進表

劉琨

建興五年二月癸未朔十八日辛丑使持節散騎常侍都督河北并冀幽三州諸軍事領護軍匈奴中郎將司空并州刺史廣武侯臣琨使持節侍中都督冀州諸軍事撫軍大將軍冀州刺史左賢王渤海公臣匹碑頓首死罪上書臣琨臣匹碑頓首頓首死罪死罪臣聞天生蒸民樹之以君所以對越天地司牧黎元聖帝明上鑒其若此知天地不可以乏饗故屈其身以奉之知黎元不可以無主故不得已而臨之社稷時難則戚藩定其傾郊廟或替則宗哲纂其祀所以弘振遐風式固萬世三五以降靡不由之臣琨臣匹碑頓首頓首死罪死罪伏惟高祖宣皇帝肇基景命世祖武皇帝遂造區夏三葉重光四聖繼軌惠澤侔於有虞十年過於周氏自元康

併齊也

振奮也

以來艱禍繁興永嘉之際氛厲彌昏宸極失御登遐醜裔國
 家之危有若綴旒賴先后之德宗廟之靈皇帝嗣建舊物克
 甄誕授欽明服膺聰哲玉質幼彰金聲夙振家宰攝其綱百
 辟輔其治四海想中興之美羣生懷來蘇之望不圖天不悔
 禍人災荐臻國未忘難寇害尋興逆胡劉曜縱逸西都敢肆
 犬羊陵虐大邑臣等奉表使還仍承西朝以去年十一月不
 守主上幽劫復沉虜廷神器流離再辱荒逆臣每覽史籍觀
 之前載厄運之極古今未有苟在食土之毛含氣之類莫不
 叩心絕氣行號巷哭況臣等荷寵三世位廁鼎司承問震惶
 精爽飛越且悲且惋五情無主舉哀朔垂上下泣血臣珉臣
 匹碑頓首頓首死罪死罪臣聞昏明迭用不泰相濟天命未
 改歷數有歸或多難以固邦國或殷憂以啟聖明是以齊有

罹然憂傷見
 離羅也茂無也

無知之禍而小白為五伯之長晉有驪姬之難而重耳主諸
 侯之盟社稷靡安必將有以扶其危黔首幾絕必將有以繼
 其緒伏惟陛下玄德通於神明聖姿合於兩儀應命世之期
 紹千載之運大符瑞之表天人有徵中興之兆圖讖垂典自
 京畿隕喪九服崩離天下囂然無所歸懷雖有夏之遺夷羿
 宗姬之離大戎茂以過之陛下撫寧江左奄有舊吳柔服以
 德伐叛以刑抗明威以攝不類仗大順以肅宇內純化既敷
 則率土宅心義風既暢則遐方企踵百揆時序於上四門穆
 穆於下昔少康之隆夏訓以為美談宣王之興周詩以為休
 詠況茂勳格于皇天清輝光于四海蒼生顛然莫不欣載聲
 教所加願為臣妾者哉且宣皇之胤唯有陛下億兆攸歸曾
 無與二天祚人晉必將有主主晉祀者非陛下而誰是以邇

無異言遠無異望。謳歌者無不吟詠，微猷獄訟者無不思于聖德。天地之際既交，華裔之情允洽。一角之獸連理之木，以爲休徵者，蓋有百數。冠帶之倫，要荒之衆，不謀而同辭者，動以萬計。是以臣等敢考天地之心，因函夏之趣味，死以上尊號，願陛下存殉禹至公之情，狹巢由抗矯之節，以社稷爲務，不以小行爲先。以黔首爲憂，不以克讓爲事。上以慰宗廟，乃顧之懷，下以釋溥天傾首之望。則所謂生繁華於枯萋，育豐肌於朽骨，神人獲安，無不幸甚。臣琨臣匹磾頓首頓首，死罪死罪。臣聞尊位不可久虛，萬機不可久曠。虛之一日，則尊位以殆，曠之浹辰，則萬機以亂。方今鍾百王之季，當陽九之會。狡寇窺窬，伺國瑕隙，齊人波蕩，無所繫心。安可以廢而不恤哉！陛下雖欲逡巡，其若宗廟何其若百姓何！昔惠公虜秦晉

與神福

鍾音也

遲久也

國震駭，呂卻之謀欲立子圍，外以絕敵人之志，內以固闔境之情。故曰：喪君有君，羣臣輯穆。好我者勸，惡我者懼。前事之不忘，後代之元龜也。陛下明並日月，無幽不燭，深謀遠慮，出自曾懷，不勝犬馬憂國之情。遲覩人神開泰之路，是以陳其乃誠，布之執事。臣等各忝守方任，職在遐外，不得陪列闕庭，共觀盛禮，踊躍之懷，南望罔極。謹上臣琨謹遣兼左長史右司馬臣溫嶠、主簿臣辟問訓臣匹磾遣散騎常侍征虜將軍清河太守領右長史高平亭侯臣榮劭、輕車將軍關內侯臣郭穆奉表。臣琨臣匹磾等頓首頓首，死罪死罪。

爲吳令謝詢求爲諸孫置守家人表 張俊

臣聞成湯革夏而封杞武王入殷而建宋春秋征伐則晉修虞祀燕祭齊廟夫國爲人興先賢爲後愚廢誠仁聖所

哀悼而不忍也故三王敦繼絕之德春秋貴柔服之義昔漢高受命追存六國凡諸絕祚一時竝祀親與項羽對爭存亡逮羽之死臨哭其喪將以位嘗侔尊力嘗均勢雖功奪其成而恩與其敗且暴興疾顛禮之若舊殘戮之尸乃以公葬若使羽位承前緒世有哲王朝力屈全身從命則楚廟不隳有後可冀伏惟大晉應天順人武成止戈西戎有卽序之人京邑開吳蜀之館興滅加乎萬國繼絕接于百世雖三五弘道商周稱仁洋洋之美未足以喻是以孫氏雖家失矣祚而族蒙晉榮子弟量才比肩進取懷金侯服佩青千里當時受恩多有過望臣聞春雨潤木自葉流根鳴鵲恤功愛子及室故天稱罔極之恩聖有綢繆之惠追惟吳僞武烈皇帝遭漢室之弱值亂臣之彊首唱義兵先衆犯難破董卓於陽人濟

神器於甄非威震羣狡名顯往朝桓王才武弱冠承業招百越之士奮鷹揚之勢西赴許都將迎幼主雖元勳未終然至忠已著夫家積義勇之基世傳扶危之業進爲狗漢之臣退爲開吳之主而蒸嘗絕於二葉園陵殘於薪米臣竊悼之伏見吳平之初明詔追錄先賢欲封其墓愚謂一君並宜應書故舉勞則力輸先代論德則惠存江南正刑則罪非晉寇從坐則異世已輕若列先賢之數蒙詔書之恩裁加表異以寵亡靈則人望克厭誰不曰宜二君私奴多在墓側今爲平民乞差五人蠲其徭役使四時修護頽毀掃除塋壟永以爲常

讓中書監表

庾亮

臣亮言臣凡庸固陋少無檢操昔以中州多故舊邦喪亂隨侍先臣遠庇有道爰容逃難求食而已不悟邀時之福遭遇

味音妹貪也

嘉運先帝龍興垂異常之顧既眷同國士又申之婚姻遂階親寵累忝非服弱冠濯纓沐浴玄風頻繁省闈出領六軍十餘年間位超先達無勞被遇無與臣比小人祿薄福過災生止足之分臣所宜守而偷榮昧進日爾一日謗譏既集上塵聖朝始欲自聞而先帝登遐區區微誠竟未上達陛下踐祚聖政維新宰輔賢明庶寮咸允康哉之歌實在至公而國恩不已復以臣領中書則示天下以私矣何者臣於陛下后之兄也姻婭之嫌實與骨肉中表不同雖太上至公聖德無私然世之喪道有自來矣悠悠六合皆私其姻者也有人皆有私則謂天下無公矣是以前後二漢咸以抑后黨安進婚族危向使西京七族東京六姓皆非姻黨各以平進縱不悉全決不盡敗今之盡敗更由姻昵臣歷觀庶姓在世無黨於朝無

財淺也

援於時植根之本輕也薄也苟無大瑕猶或見容至於外戚憑託大地勢連四時根援扶疎重矣大矣而財居權寵四海側目事有不允罪不容誅身既招殃國為之敝其故何耶直由婚媾之私羣情之所不能免故率其所嫌而嫌之於國是以疏附則信姻進則疑疑積於百姓之心則禍成重闔之內矣此皆往代成鑒可為寒心者也夫萬物之所不通聖賢因而不奪冒親以求一才之用未若防嫌以明公道今以臣之才兼如此之嫌而使內處心膂外總兵權以此求治未之聞也以此招禍可立待也雖陛下相明其愚款朝士百寮頗識其情天下之人何可門到戶說使皆坦然耶夫富貴寵榮臣所不能忘也刑罰貧賤臣所不能甘也今恭命則愈違命則苦臣雖不達何事背時違上自貽患責哉仰覽殷鑒量已

資首言養也

頗少也

愈勝也

控口員反

知弊身不足惜為國取侮是以控控屢陳丹款而微誠淺薄未垂察諒憂惶屏營不知所厝以臣今地不可以進明矣且違命已久臣之罪又積矣歸骸私門以待刑書願陛下垂天地之鑒察臣之愚則雖死之日猶生之年矣

薦譙元彥表

桓溫

臣聞太朴既虧則高尚之標顯道喪時昏則忠貞之義彰故有洗耳投淵以振玄邈之風亦有秉心矯跡以敦在三之節是故上代之君莫不崇重斯軌所以篤俗訓民靜流競伏惟大晉應符御世運無常通時有屯蹇神州丘墟二方圯裂免宜絕響於中林白駒無聞於空谷斯有識之所悼心人雅之所歎息者也陛下聖德嗣興方恢天緒臣昔奉役有事西土鯨鯢既懸思宣大化訪諸故老搜揚潛逸庶武羅於羿浞

圯平鄙反

蠲古黠

之墟想王蠲於亡齊之境竊聞巴西譙秀植操貞固抱德肥遯揚清渭波于時皇極遘道消之會羣黎蹈頭沛之艱中華有顧瞻之哀幽谷無遷喬之望凶命屢招姦威仍逼身寄虎吻危同朝露而能抗節玉立誓不降辱杜門絕跡不面偽庭進免龔勝亡身之禍退無薛方詭對之譏雖園綺之棲商洛管寧之默遼海方之於秀殆無以過于今西土以為美談夫旌德禮賢化道之所先崇表殊節聖哲之上務方今六合未康豺豕當路遺黎偷薄義聲不聞益宜振起道義之徒以敦流遯之敝若秀蒙蒲帛之徵足以鎮靜頽風軌訓囂俗幽遐仰流九服知化矣

吻十粉反

解尚書表

殷仲文

臣聞洪波振壑川無恬鱗驚飈拂野林無靜柯何者勢弱則

叨他刀切

獲女教反

繁知立切

胡何也

受制於巨力質微則莫以自保於理雖可得而言於臣寔所
敢喻昔桓玄之世誠復驅迫者衆至於愚臣罪實深矣進不
能見危授命忘身殉國退不能辭粟首陽拂衣高謝遂乃宴
安昏寵叨味偽封錫文篡事曾無獨固名義以之俱淪情節
自茲兼撓宜其極法以判忠邪鎮軍臣裕匡復社稷大弘善
貸佇一戮於微命申三驅於大信既惠之以首領復引之以
繫維于時皇輿否隔天人未泰用忘進退唯力是視是以僣
俛從事自同全人今宸極反正惟新告始憲章既明品物思
舊臣亦胡顏之厚可以顯居榮次乞解所職待罪私門違謝
闕庭乃心愧戀謹拜表以聞

為宋公至洛陽謁五陵表

傅亮

臣裕言近振旅河湄揚旂西邁將屆舊京威懷司雍河流遄

淹遲也

疾道阻且長加以伊洛榛蕪津塗久廢伐木通徑淹引時月
始以今月十一日次故洛水浮橋山川無改城闕為墟宮廟
隳頽鐘簾空列觀宇之餘鞠為禾黍塵甲蕭條雞犬罕音感
舊永懷痛心在目以其月十五日奉謁五陵墳塋幽淪百年
荒翳天衢開泰情禮獲申故老掩涕三軍悽感瞻拜之日憤
慨交集行河南太守毛修之等既開剪荆棘繕修毀垣職司
既備蕃衛如舊伏惟聖懷遠慕兼慰不勝下情謹遺傳詔殿
中中郎臣某奉表以聞

為宋公求加贈劉前軍表

傅亮

臣聞崇賢旌善王化所先念功簡勞義深追遠故司勳秉策
在勤必記德之休明沒而彌著故尚書左僕射前軍將軍臣
劉穆之爰自布衣協佐義始內竭謀猷外勤庶政密勿軍國

局曲也致至也

心力俱盡及登庸朝右尹司京畿敷讚百揆翼新大猷項戎
車遠後居中作捍撫寧之勳實洽朝野識量局致棟幹之器
也方宣讚盛化緝隆聖世志績未究遠邇悼心皇恩褒述班
同三事榮哀既備寵靈已泰臣伏思尋自義熙草創艱患未
弭外虞既殷內難亦存時屯世故靡有寧歲臣以寡劣負荷
國重實賴穆之匡翼之勳豈惟讜言嘉謀溢于民聽若乃忠
規密謨潛慮帷幙造膝詭辭莫見其際事隔於皇朝功隱於
視聽者不可勝記所以陳力一紀遂克有成出征入輔幸不
辱命微夫人之左右未有寧濟其事者履謙居寡守之彌固
每議及封爵輒深自抑絕所以勳高當年而茅土弗及撫事
永念胡寧可昧諳宜加贈正司追甄十字俾忠貞之烈不泯
於身後人賚所及永秩於善人臣契閣屯夷旋觀終始金蘭

左右助也

之分義深情感是以獻其乃懷布之朝聽所啟上合請付外
詳議

為齊明皇帝作相讓宣城郡公第一表

任昉

臣鸞言被臺司召以臣為侍中中書監驃騎大將軍開府儀
同三司揚州刺史錄尚書事封宣城郡開國公食邑三千戶
加兵五千人臣本庸才智力淺短太祖高皇帝篤猶子之愛
降家人之慈世祖武皇帝情等布衣寄深同氣武皇大漸實
奉話言雖自見之明庸近所蔽愚夫一至於偏識量已實不忍
自固於綴衣之辰拒違於玉几之側遂荷顧託導揚末命雖
嗣君棄常獲罪宣德王室不造職臣之由何者親則東牟任
惟博陸徒懷子孟社稷之對何救昌邑爭臣之譏四海之議

話戶邁反

尤過也任當也

於何逃責且陵土未乾訓誓在耳家國之事一至於斯非臣之尤誰任其咎將何以肅拜高寢虔奉武園悼心失圖泣血待旦寧容復微榮於家恥宴安於國危驃騎上將之元勳神州儀刑之列嶽尚書古稱司會中書實管王言日虛節寵章委成禦侮臣知不愜物誰謂宜但命輕鴻毛責重山嶽存沒同歸毀譽一貫辭一官不減身累增一職已黷朝經便當自同體國不為飾讓至於功均一匡賞同千室光宅近甸奄有全邦隕越為期不敢聞命亦願曲留降鑒即垂順許鉅平之懇誠彌固永昌之丹慊獲申乃知君臣之道綽有餘裕苟曰易昭敢守難奪故可庶心弘議酌已親物者矣不勝荷懼屏營之誠謹附某官某甲奉表以聞

為范尚書讓吏部封侯第一表 任昉

係苦筆友唐日也

猶古縣及

屬音脚

甚意音意又音億改

音以又音似

獲音莫

叨全食也

臣雲言被尚書召以臣為散騎常侍吏部尚書封青城縣開國侯食邑千戶奉命震驚心顏無措臣雲素門凡流輪翮無取進謝中庸退慙狂狷固常鑽厲求學而經不治篆刻為文而三冬靡就負書燕魏空殫菽粟躡屩齊楚徒知貧賤既而分虎出守以囊被見嗤持芥作牧以遠以興謗緒衣為虜見獄吏之尊除名為民知非日之逸百年上壽既日徒然如其誠說亦以過半亂離斯瘼欲以安歸閉門荒郊再離寒暑兼以東臯數畝控帶朝夕關外一區帳望鍾阜雖室無趙女而門多好事祿微賜金而歡同娛老折芟燔枯此焉自足陛下應期萬世接統千祀三千景附八百不謀臣鬻等離心功慙同德泥首在顏輿棺未毀締構草昧敢叨天功獄訟謳歌示同民志而隆器大名一朝總集顧已及躬何以臻此政

開戶易

關涉也由也

當以接開白水列卷之八已舊豐忘捨講之尤存諸公之費俯拾青紫豈待明經臣雲夫銓衡之重關諸隆替遠惟則哲在帝猶難漢魏以降達識繼軌雅俗所歸唯稱許郭拔士得五尚曰比肩其餘得失未聞偶察童幼天機暫發顧無足算在魏則毛玠公方居晉則山濤識量以臣況之何遼落齊金陵遲官方淆亂鴻都不綱西園成市金章有盈筭之談華紹深不足之歎草創惟始義存改作恭已南面責成斯在豈宜妄加寵私以乏王事附蟬之飾空成寵章求之公私授受交失近世侯者功緒參差或足食關中或成軍河內或制勝帷幄或門人加親或與時抑揚或隱若敵國或策定禁中或功成野戰或盛德如卓茂或帥道如相榮或四姓侍祀已無足紀五侯外戚日非舊章而臣之所附唯在恩澤既義異疇庸實榮

乖儒者雖小人貪幸豈獨無心臣本自諸生家承素業門無富貴易農而仕乃祖玄平道風秀世爰在中興儀刑多士位裁元凱任止牧伯高祖少連夙秉高尚所富者義所乏者時薄宦東朝謝病下邑先志不忘愚臣是庶日去歲冬初國學之老博士耳今茲首夏將亞家司雖千秋之一日九遷荀爽之十旬遠至方之微臣未為速達臣雖無識唯利足視至於虧名損實為國為身知其不可不敢妄冒陛下不亦管蒯愛同絲麻儼平生之言猶在聽覽宿心素志無復貳辭矜臣所乞特廻寵命則羣章載穆微物知免臣今在假不容詣省不任荷懼之至謹奉表以聞

為蕭揚州作薦士表

任昉

臣王言臣聞求賢暫勞垂拱永逸方之疏壤取類導川伏惟

管音軒剛古怪切

楊音目和也

疏通也

陛下道隱旒纒信充符璽六飛同塵五讓高世白駒空谷振
鷺在庭猶懼隱鱗卜祝藏器屠保物色關下委裘河上非取
製於一狐諒求味於兼采而五聲倦響九工是詢寢義廟堂
借聽輿阜臣位任隆重義兼家邦實欲使名實不違微侍路
絕勢門上品猶當格以清談英俊下僚不可限以位貌竊見
秘書丞琅邪臣王暕年二十字思晦七葉重光海內冠冕
神清氣茂允迪中和叔實理遣之談彥輔名教之樂故以暉
映先達領袖後進居無塵雜家有賜書辭賦清新屬言玄遠
室邇人曠物疎道親養素自園台階虛位岸序公朝萬夫傾
望豈徒苟令可想李公不亡而已哉前晉安郡侯官令東海
王僧孺年二十五理尚棲約思致恬敏既筆耕為養亦備書
成學至乃集螢映雪編蒲緝柳先言往行人物雅俗甘泉遺

格與也

暕音簡

懸音廷

簡問也

儀南宮故事畫地成圖抵掌可述豈直懸鼠有必對之辯竹
書無落簡之謬暕坐鎮雅俗弘益已多僧儒訪對不休質疑
斯在並東序之秘寶瑚璉之茂器誠言以人廢而才實世資
臨表悚戰猶懼未允不任下情

為褚詡議蔡讓代兄襲封表

任昉

音奔

臣蔡言昨被司徒符仰稱詔旨許臣兄貴所請以臣襲封南
康郡公臣門籍勳陰光錫土守臣貴世載承家允膺長德而
深鑒止足脫屣千乘遂乃遠謬推恩近萃庸薄能以國讓弘
義有歸匹夫難奪守以勿貳昔武始迫家臣之策陵陽感鮑
生之言張以誠請為理屈且先臣以大宗絕緒命臣出纂
傍統稟承在昔理絕終天永惟情事觸目崩隕若使貴高延
陵之風臣忘了臧之節是廢德舉豈日能賢陛下察其丹款

特賜停絕不然投身草澤苟遂愚誠爾不狂丹慊之至謹詣
闕拜表以聞臣誠惶誠恐

爲范始興作求立太宰碑表 任昉

臣雲言原夫存樹風猷沒著徽烈旣絕故老之口必資不刊
之書而藏諸名山則陵谷遷貿府之延閣則青編落簡然則
配天之迹存乎泗水之上素王之道紀於沂川之側由是崇
師之義擬跡於西河尊主之情致之於堯禹故精廬安啟必
窮鑄勒之盛君長作城亦盡刊刻之美況乎甄陶周呂孕育
伊顏故太宰竟陵文宣王臣某與存與亡則義形社稷嚴天
配帝則周公其人體國端朝出藩入守進思必告之道退無
苟利之專五教以倫自揆時序若夫一言一行盛德之風琴
書藝業述作之茂道非兼濟事止樂善亦無得而稱焉人之

沂 魚衣切

鑄子全切

鎔音洽

云亡忽移歲序鷓鴣東徙松檟成行六府臣僚三藩士女人
蓄油素家懷鎔筆瞻彼景山徒然望慕豈晉氏初禁立碑魏
舒之亡亦從班列而阮略旣泯故首言嚴科爲之者竟免刑
戮置之者反蒙嘉歎至於道被如仁功參微管本宜在常均
之外故太宰淵丞相疑親賢並軌卽爲成規乞依一公前例
賜許刊立寧容使長想九原樵蘇罔識其禁駐蹕長陵輜軒
不知所適臣里閭孤賤才無可甄值齊網之弘弛賓客之禁
策名委質忽焉紀慮先犬馬厚恩不答而故帷毀蓋木辱
螻蟻珠襦玉匣遽飾幽泉陛下弘獎名教不隔微物使臣得
駿奔南浦長號北陵旣曲逢前施實仰覲後澤儻驗杜預山
頂之言庶存馬駿必拜之感臨表悲懼言不自宣

音山

駐音注 離音畢 離

新刻文選正文音訓卷之八

門人

深津利明校

Blank manuscript page with vertical columns for writing.

